

詞：

〈少年遊〉

月迷歸鳥，星寒山徑，煙柳靜沙洲。殘香仍在，芳塵已斷，孤影弔空樓。對酒對花宜歌舞，休問有離憂。夜夜心魂飄何許，蓬山外，鵲橋頭。

〈淡黃柳〉

梨花不語，飄盡成秋色。向晚池塘煙弄碧，暗竹參差共倚，深樹孤鴉繞飛急。漸蕭瑟。歸來更岑寂。點紅燭、弄橫笛。怕當時醉語成空憶。疊嶂千山，萬重煙靄，誰見離人淚跡。

〈踏莎行〉

輕雨生寒，暗香迷徑，霧侵小閣簾櫳靜。晚風不解寂寥人，幢幢亂作燈前影。溪畔楓紅，沙洲水冷，蘆斜驚鳥棲不定。秋山何處有人行，雲深無路雞相應。

〈卜算子·詠梅〉


小徑漫幽香，霜月搖疏影。何處縹緲弄笛聲，漠漠無

人應。    風動野禽歸，花落荒溪靜。不與群芳苦競  
春，寂寞開寒嶺。

詩：

〈閒居〉二首

向晚登幽徑，日斜風正清。山靜雲來急，潭深舟自橫。

國立中興大學   
歸鳥林中宿，繁星山外暄。笑談劉子驥，何處問桃源。

National Chung Hsing University